



Tematskom postavkom 'Korakom španske salse', koja na inspirativan način oslikava špansku strast i temperament utkan u profesionalno uređenje enterijera, 16. februara 2012. godine svečano će biti otvorena Bela Vida galerija u Sarajevu.

Svečanost otvorenja bit će upriličena na prizemnom nivou Importanne Centra sa početkom u 18.00 sati.

Osim organizatora, pozdravni govor i dobrodošlicu imat će dr.sc. Bruno Bojić, predsjednik Vanjskotrgovinske komore Bosne i Hercegovine, te Toribio de Prado, otpravnik poslova Ambasade Španije u Sarajevu.

Jer život je lijep

Ovo će biti prilika za druženje sa arhitektima, predstavnicima bh. i firmi iz regiona, te uopšte ljubiteljima lijepo uređenog enterijera. Posjetioci će, kroz doživljaj koncepta tematski realiziranog stana, u Bela Vida galeriji iskusiti modernu interpretaciju uređenja enterijera i kvaliteta svakog zasebnog eksponata. Također će biti u prilici saznati kako mogu doći do proizvoda u ponudi, dobiti savjet nekog od članova Bela Vida ekspertnog tima, te doći do novih ideja, kojima će obilovati posjeta jednom ovakvom konceptu.

Pažljivo birani najmeštaj i prateći elementi za uređenje enterijera sačinjavat će sastavne dijelove svake od planiranih 12 tematskih postavki, jednako kao što će i pružiti uvid u ponudu svakog od izlagača predstavljenih postavkom. Ekspozitni u Galeriji moći će se pogledati i doživjeti, sve uz stručne informacije o željenom proizvodu.

Sve zaljubljenike u estetiku i strast španskog enterijera očekuje unikatan ambijent bojen južnjačkom strašću i ispunjen prigodnim mirisima, okusima i melodijama. Strastveni temperament Španije i Bela Vida, uz slavljenje ljepote života postavkom se spajaju u jedno i šalju jasnu poruku: Korakom španske salse, jer život je lijep.

Kreativna kuhinja Enterijer.ba

Bela Vida projekat nastao je iz kreativne kuhinje Enterijer.ba tima, koji uspješno djeluje već šest godina. Stvaralački poduhvat Bela Vida Galerije podrazumijeva prostor koji liči na dom iz snova. On ne samo da liči, nego se može osjetiti, dodirnuti i sagledati.

Ulaskom u prostor Bela Vida galerije, koji će se tematski iz mjeseca u mjesec mjenjati i biti potpuno drugačiji, moći će se vidjeti svi sastavni dijelovi jednog stana. Od kuhinje, kupatila, preko dnevne i spavaće sobe, svaki kutak bit će inspirisan glavnom temom – ljepotom i maštom.

U decembru i januaru održane su dvije promocije Bela Vida galerije na kojima su predstavljene postavke ' [Noći od cimeta](#) ' i ' [Mraz na prozoru](#) '.